

IV БОБ. ЯКУНЛОВЧИ ҚОИДАЛАР

1.«Ижтимоий профилактика ҳафталиги» якуни, натижалари ва таҳлили бо‘йича туман (шаҳар) ҳокимлари томонидан тегишлилиги бо‘йича Қорақалпоғ‘истон Республикаси Жо‘қорг‘и Кенгеси, халқ депутатлари вилоятлар ва Тошкент шаҳри кенгашларига муҳокама учун ахборот тақдим этилади.

Мазкур нормага мувофиқ, «Ижтимоий профилактика ҳафталиги»нинг якуни, эришилган натижалари ҳамда амалга оширилган ишлар таҳлили туман (шаҳар) ҳокимлари томонидан умумлаштирилади. Яъни ҳокимлар мазкур профилактик тадбирлар доирасида қандай ишлар бажарилгани, қайси йо‘налишларда ижобий натижаларга эришилгани, мавжуд муаммолар ва камчиликлар, шунингдек, уларни бартараф этиш бо‘йича таклифларни о‘з ичига олган таҳлилий ахборотни тайёрлашга масъул ҳисобланади.

Тайёрланган ахборот тегишлилиги бо‘йича:

- Қорақалпоғ‘истон Республикасида — Қорақалпоғ‘истон Республикаси Жо‘қорг‘и Кенгесига,
- вилоятлар ва Тошкент шаҳрида — халқ депутатлари вилоят ва Тошкент шаҳри кенгашларига тақдим этилади.

Бу ерда ахборот тақдим этилишининг асосий мақсади — масалани депутатлар кенгашларида муҳокама қилиш, яъни ижтимоий профилактика соҳасида олиб борилган ишларга маҳаллий ва ҳудудий вакиллик органлари томонидан сиёсий-ҳуқуқий баҳо бериш, ижро ҳокимияти фаолияти устидан жамоатчилик ва вакиллик назоратини амалга оширишдан иборат.

Шу тариқа, мазкур норма:

- туман (шаҳар) ҳокимларининг ҳисобдорлигини таъминлайди;
- «Ижтимоий профилактика ҳафталиги» натижаларини очиқ ва ошкора муҳокама қилиш механизмини жорий этади;
- халқ депутатлари кенгашларининг назорат ва тавсия бериш ваколатларини амалий жиҳатдан кучайтиради.
- Натижада, ижтимоий профилактика тадбирлари формал ҳисобот билан чекланиб қолмасдан, уларнинг самарадорлиги ва таъсирчанлиги вакиллик органлари муҳокамаси орқали баҳоланади ҳамда келгусидаги фаолиятни такомиллаштиришга хизмат қилади.

2.Туман (шаҳар) ҳокимлари «Ижтимоий профилактика ҳафталиги»ни ташкиллаштиришда ва қўйилган вазифани бажаришда сусткашликка йўл қўйган мансабдор шахсларга нисбатан тегишли таъсир чораларини қўллаш боʻйича ҳамда оʻз вазифасига сидқидилдан ёндашган, аҳолини кенг қамраб олган ташкилотчиларни рағбатлантириш юзасидан тегишли ташкилотларга таклиф киритади.

Бу бандда «Ижтимоий профилактика ҳафталиги» доирасида туман (шаҳар) ҳокимларининг вазифалари келтирилган. Яъни, туман (шаҳар) ҳокимлари «Ижтимоий профилактика ҳафталиги»ни тоʻғʻри ташкил этиши шарт. Белгиланган вазифаларни масъулиятсизлик билан бажарган мансабдор шахсларга интизомий ёки бошқа таъсир чоралари қўллашда адолатли бўлиши лозим. Аксинча, оʻз вазифаларига сидқидилдан ёндашган, аҳолининг кенг қатламини қамрам олган, тадбирларни яхши ташкил этган масъулларни рағбатлантириш тоʻғʻрисида тегишли

ташкилотларга (О‘збекистон маҳаллалари уюшмаси, Камбағ‘алликни қисқартириш ва бандлик вазирлиги, Ички ишлар вазирлиги, Оила ва хотин-қизлар қо‘митаси, Ёшлар ишлари агентлиги, Ижтимоий ҳимоя миллий агентлиги, Солиқ қо‘митаси ва уларнинг жойлардаги бо‘лим (бошқарма)лари)га таклифлар беради.

3.Маҳаллий ҳокимликларнинг жамоатчилик билан ишлашга масъул хизматларига «Ижтимоий профилактика ҳафталиги» доирасида амалга оширилган ишлар то‘ғ‘рисида оммавий ахборот воситалари (шу жумладан, ижтимоий тармоқлар)да кенг ёритиб бориш бо‘йича шахсий масъулият юклатилади.

«Ижтимоий профилактика ҳафталиги» доирасида амалга оширилган ишлар то‘ғ‘рисида жамоатчиликни хабардор қилиб боришда асосий масъулият маҳаллий ҳокимликларнинг жамоатчилик билан ишлашга масъул хизматлари зиммасига юклатилади. Улар ҳафталик давомида ҳудудларда о‘тказилаётган тадбирларни доимий равишда кузатиб бориши, маҳалла еттилиги ва бошқа мутасадди идоралар билан яқин ҳамкорликда ишлаши шарт. Маҳаллий ҳокимликларнинг масъул хизматлари маҳаллалардан келиб тушаётган ахборотларни жамлаб, таҳлил қилиб, уларни оммавий ахборот воситалари, расмий интернет сайтлари ва ижтимоий тармоқлар орқали о‘з вақтида, то‘лиқ ва холис тарзда ёритиб бориши лозим. Шу билан бирга, эълон қилинаётган маълумотларда «Ижтимоий профилактика ҳафталиги»нинг мақсади, о‘тказилган тадбирлар мазмуни, амалий натижалар, яъни қанча фуқаро ишга жойлаштирилгани, кимларга ижтимоий ёрдам ко‘рсатилгани

ва аҳоли учун яратилган имкониятлар аниқ ко‘рсатилиши талаб этилади.

Бу жараёнда маҳалла еттилиги маҳаллий ҳокимликларнинг жамоатчилик билан ишлашга масъул хизматларига ишончли маълумот манбаи сифатида хизмат қилади. Маҳалла еттилиги томонидан тайёрланган фотосуратлар, видео лавҳалар ва қисқа ахборотлар маҳаллий ҳокимликлар томонидан умумлаштирилиб, кенг жамоатчиликка етказилади. Маҳаллий ҳокимликлар ахборотнинг сифатли ва тизимли ёритилиши учун шахсий масъулиятни ҳис этган ҳолда ҳар бир тадбир бо‘йича материаллар чиқишини назорат қилиши, кечикиш ёки расмиятчиликка йўл қўймаслиги лозим. Шунингдек, аҳолидан ижтимоий тармоқлар орқали келиб тушаётган фикр-мулоҳазалар ва саволларга о‘з вақтида жавоб бериш, зарур ҳолларда маҳалла еттилиги билан биргаликда муаммоларни жойига чиқиб о‘рганиш ҳам маҳаллий ҳокимликларнинг муҳим вазифаси ҳисобланади. Мазкур ишлар натижасида «Ижтимоий профилактика ҳафталиги» доирасида амалга оширилаётган тадбирлар очиқ, шаффоф ва таъсирчан тарзда ёритилиб, аҳолининг давлат органлари ва маҳалла тизимида бо‘лган ишончи янада мустаҳкамланади.

4. Ушбу Низом талаблари бузилишида айбдор бо‘лган шахслар қонунчилик ҳужжатларига мувофиқ жавобгар бо‘лади.

Республика маҳаллаларида хавфсиз муҳитни яратиш йўналишида амалга ошириладиган ишлар учун бириктирилган масъул раҳбарлар ва муассасалар о‘з ҳудудларида ҳуқуқбузарликларнинг барвақт профилактикасини ташкил этиш, ҳудудий «йўл хариталари»

билан белгиланган чора-тадбирларнинг то‘лақонли амалга ошириш ҳамда ижтимоий профилактика тизimini самарали йо‘лга қо‘йиш бо‘йича шахсан жавобгар бо‘ладилар.

Аҳолининг ҳуқуқбузарлик ҳақидаги ҳар қандай мурожаатларини со‘зсиз ро‘йхатга олиш, ко‘риб чиқиш натижасида қабул қилинган қарорларнинг қонунийлигини о‘рганиш ҳамда барча жиноий ҳолатлар юзасидан белгиланган тадбирлар о‘з вақтида, қонуний ва то‘лақонли амалга оширилишини ташкил этиш бо‘йича туман (шаҳар) прокурорлари ва ички ишлар органлари раҳбарлари зиммасига бевосита жавобгарлик юклатилган.

Умуман олганда, низом талаблари бузилса, жавобгарлик айнан битта ҳужжат билан эмас, балки бузилиш турига қараб, фуқаролик, маъмурий, жиноий бо‘лиши мумкин. Қолаверса, идоравий ҳужжатларга ко‘ра ҳам тегишли чоралар ко‘рилиши мумкин. Бир со‘з билан айтганда, қонун – кафолат, ижтимоий ҳимоя – барқарорлик масаласидир.

